

上虞縣誌（光緒）一

ISBN 988-978-316-9



二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓三〇九室

電話：〇〇八五二一六五五九二三七〇

傳真：〇〇八五二一三三八七九〇〇

定價：人民幣 九五〇〇元（全書共三百一冊）

上虞縣志

光緒二十九年十二月成書

重脩上虞縣志序

余督閩浙之次年

朝廷增脩會典

詔天下郡國各以圖獻於是

內而圻輔外而各行省郡邑

靡不測繪輿圖脩輯地志以
備館臣之采擇而上虞令唐
君亦以是時輯邑志而新之
問序於余余惟上虞置縣自
秦始自秦以來沿革掌故之

大者載於歷代正史其小者
具於邑志邑志自嘉慶中前
令崔君重脩當是時典章文
物粲然具備然猶再歷寒暑
而成書今距崔君時八十餘

年中更兵燹阮文達公原序
所稱津梁宮室之興廢田賦
版圖之因革職官選舉人文
物產之薈萃隨時增益先後
不同者一旦剝拾於煨燼之

餘欲問當時之政蹟而遺老
盡矣由是言之成書之難視
前志奚翅倍之而唐君承
明詔之徵求懼方策之失墜
繪圖輯志躬任其難其抱殘

守缺之功豈但遠軼前志且
足仰裨

會典以成

聖清之盛治其有功於文獻
甚鉅余既嘉唐君之勤又慨

今昔情形之不同爰論成書
之難易述其緣起而序之如
此光緒十有七年正月總制
閩浙使者儀徵卞寶第撰

重修上虞縣志敘

治民莫要於守令守綜大綱而
已令於民視守尤親則尤要焉
入其境田疇闢廬舍修整津
梁無廢樹藝皆得其宜則令
之賢可知已上虞為越郡屬邑
土風敦厚號易治邑令唐君

照春久於其任百廢具舉曩
者按試越東諸郡過虞所見
以余言及與君相接言貌溫
粹若不欲以才自見心知其為
賢者也間以重修縣志請余曰
志書者政事之所從出也君殆
知所本矣書成請序予受而

讀之條理秩如素在微實而
不誣行文亦簡要有法爰自云
於嘉慶志正其謫補其闕於
萬歷志則宗之而其旨壹歸
於雅馴可謂能知所擇者然則
君不獨優於政事且擅才學後
之長而工於文體者也抑余聞

君之初蒞虞也民苦盜君以次擒
治錄其魁置之重典遂壹以寬
大為政百姓熙熙皆樂君之簡易
至於今且十季境內無盜蹤以
余所聞若此所見若彼益信乎
君之賢已任編葺之役者蔡貞
士元培為予歲試所取優等士